

皇明典禮志

皇明典禮志卷之六

江夏 郭正域 撰

冊立東宮

洪武元年正月乙亥。命左相國宣國公李善長奉冊寶立世子標爲

皇太子。冊曰。國家建儲。禮從長嫡。天下之本在焉。朕起自田野。與羣雄角逐。勘定禍亂。就功于多難之際。今基業已成。命爾標爲

皇太子。於戲。爾生王宮。爲首嗣。天意所屬。茲正位東宮。其敬天惟謹。且撫軍監國。爾之職也。六師兆民

宜以仁信恩威懷服其心。用永固于邦家。尚慎戒之。

皇太子服冕服九章。乘金輅。冊與

皇后同。寶曰。

皇太子之寶。先一日奉天殿陳御座。設寶案。詔書案。冊寶案。于殿中。冊東。寶西。冊寶亭一于丹陛東。

皇太子拜位于丹陛上。及御座前。授冊寶官位于殿上拜位。東西向。讀冊寶官位于其北。西向。捧進冊寶官位于其南。西向。受冊寶內使二人位于拜位西。昇亭內。官八人位于丹陛。設承制官位于殿內。

西宣制官位于殿門外東北。捧詔官位于殿內東。內贊二人位于殿內拜位北。東西向。贊禮二人位于丹陛。知班二人糾儀。御史二人。文武百官齊班殿前。班殿上。侍從班。典牧官宿衛護衛將軍。如朝儀。禮部同內使監奉詔書于案。及取冊寶于案。冊前寶後。內使昇亭就位。其日清晨鼓初嚴。金吾衛陳甲士旗仗。拱衛司陳儀仗。陳車輅。典牧官陳仗馬虎豹。和樂郎陳樂于丹墀南。所司備鼓樂。儀衛司備儀仗于奉天門外。候送冊寶百官具朝服。執事者入。鼓次嚴。尚寶卿侍從侍衛官俱詣謹身殿。

鼓三嚴。侍儀奏中嚴。

上御謹身殿。具袞冕。

皇太子于奉天門具冕服。百官入侍立。侍儀奏外辦。上御輿以出。侍儀導從。仗動。大樂振作。鳴鞭報時訖。引進四人導。

皇太子入奉天東門。樂作。陞自東階。由東門入。內贊引至丹陛。拜位。引禮左右立。樂止。捧受冊寶。內使由西陛陞。樂作。

皇太子再拜興。樂止。內贊曰。承制官前。承制官立于殿西。承制訖。由殿中門出。立于門外。曰。有制。

皇太子跪。宣制曰。冊長子某爲皇太子。畢。

皇太子俯伏興。樂作。

皇太子再拜興。樂止。贊禮曰。行冊禮。引禮導。

皇太子由殿東門入。樂作。內贊導至御座前拜位。樂止。皇太子跪。內贊曰。受冊寶。捧冊寶官於案前跪。捧冊寶授讀冊寶官。內贊曰。讀冊。讀冊官讀訖。以授丞相。

皇太子稽首。丞相以冊跪授于皇太子。內使跪于西。捧冊興。立于皇太子西。捧冊寶官又于案前跪。捧寶授讀寶官。內贊曰。讀寶。讀寶官讀訖。以授丞相。

丞相授于皇太子。內使跪于西，捧寶興。

皇太子出圭，俯伏興，復位。導皇太子出，樂作。冊寶前導，出至殿東門，引禮導皇太子復位，樂止。內使以冊寶置于亭盂匣中，樂作。

皇太子四拜興，樂止。內使昇亭前行，引禮導皇太子由東階降，樂作出，奉天門，樂止。引禮導皇太子詣東房，候中宮行禮。內使昇亭，百官迎送至東宮，安殿內。初，皇太子降階，禮部尚書跪奏用寶，詣案捧詔書。尚寶卿用寶，禮部尚書請赴午門開讀。百官迎詔至中書省，頒行，執事入報，侍儀奏禮畢。鳴鞭。

上興樂作還宮樂止皇太子受冊之日朝謝

中宮諸王賀東宮諸王賀

中宮百官進箋賀東宮內外命婦賀

中宮

上覽奏曰禮太繁況是日祭告天地宗廟趨事不暇
給其賀

中宮與東宮宜省節之

永樂二年三月定先三日齋戒遣官祭告天地宗廟
行一獻禮至日皇太子具冕服于文樓下以俟

上服袞冕御華蓋殿翰林院官捧詔尚寶司官用寶

禮部官捧置于案。執事官五拜樂作。

上御奉天殿。樂止。百官朝服行禮。引禮六人導皇太子由東階陞。至丹陛就位。持節等官各就丹陛就位。樂作。四拜。樂止。傳制。引禮導皇太子由殿東門入。至冊寶案前。內贊贊跪。贊宣冊。宣訖。贊搢圭。贊授冊。皇太子授訖。以授內侍。贊授寶。如受冊。贊出圭。俯伏興。復位。皇太子由殿東門出。就位。執事官舉節冊寶由殿東門出。樂作。四拜。樂止。皇太子由東階降。樂作。至奉天門。樂止。儀仗鼓樂迎冊寶至文華殿。持節官持節復命。

皇太子受冊寶畢。具冕服儀仗。引禮導引詣

太廟謁告禮如儀。禮畢釋服。引禮導至左順門。具冕服謝恩。

上具皮弁服。御奉天殿。引禮導皇太子至。

上前謝恩。樂作八拜。樂止。導還至右順門。詣內殿前。皇后服燕居冠服。陞內殿。皇太子于丹陛八拜。

親王見皇太子。先是內官設皇太子座于文華殿。鴻臚寺設親王世子郡王拜位于殿陛上。教坊司設樂。錦衣衛設儀仗。親王世子郡王具冕服。其未冕服者便服。序列于文華殿門外。皇太子冕服陞座。

引禮導親王世子郡王由東陞陞就殿陞上拜位
四拜跪鴻臚寺官一人詣殿門外正中跪致詞曰
某王某等茲遇皇太子殿下榮膺冊命禮當慶賀
致詞畢俯伏興四拜皇太子駕興以次出是日皇
太子詣武英殿見諸叔行家人禮四拜諸叔西向
坐受見諸兄行家人禮二拜諸兄西向立受次日
文武百官進表箋慶賀如常儀

宣德二年十二月乙卯冊立皇太子以皇太子尚幼
是日

上服皮弁服陞殿百官具朝服引禮導正副使入就

拜位四拜。執事官舉節冊寶案置御道中。正副使跪傳制曰。宣德三年二月初六日冊立長子爲皇太子。命卿等持節行禮。贊四拜。執事官舉節冊寶置彩輿中。黃蓋送至右順門外。正副使北面立。內官奉節冊寶入文華殿門。皇太子出迎。內贊贊四拜。贊宣冊。內官立宣訖。贊受冊。皇太子受訖。以受內侍。贊受寶。如受冊。俯伏興。復位四拜。禮畢。內官出以節授正副使曰。禮畢。正副使復命。是日皇太子詣

皇太后前八拜次詣

上前。

皇后前皆八拜。又詣貴妃前八拜。次日百官具朝服。上表賀進箋賀皇太子如常儀。

上曰。皇太子尚幼。冊使奉冊寶至左順門授內臣捧入。免羣臣賀。

成化以後儀同。

嘉靖十八年續定。前期三日齋戒。至日。

上躬詣南郊奏告。

皇天上帝詣。

太廟告聞。

皇祖命大臣祭告北郊。

列聖宗廟。大社稷。帝社稷。日月星辰。天神地祇。俱用祭服三獻。

上帝皇祇。加一牛。園丘祭告。陪祀官具祭服。陪拜百官具吉服。并耆老生儒俱陪。享門外陪拜。其分遣祭告北郊等官。俱詣園丘陪拜畢。方各詣祭所宗廟祭告。文官五品以上。武官四品以上。祭告畢。上具常服。以冊立聞于母后。

上御殿傳制。迎冊寶如常儀。保姆奉皇太子迎于文華殿門。內侍官跪代受冊寶。保姆奉皇太子拜興。

禮畢。正副使復命。明日

上恭詣

宗廟。具常服率

皇后貴妃。各具禮服。保姆奉皇太子。恭行告謝。三獻

如常儀畢。

上具常服。詣

母后。謁謝。

皇后率貴妃。各具禮服。保姆奉皇太子。詣

上前。

皇后貴妃。俱代皇太子入拜。貴妃又代皇太子詣

皇后前八拜禮保母又代皇太子詣貴妃前四拜
上御奉天殿頒詔遣官齎御書各王府及詔諭朝鮮
國是日文武百官上表慶賀仍上表賀

皇太后命婦入內賀

皇后如儀百官是日進箋賀皇太子

冊東宮妃

永樂二十二年十月庚戌皇太子妃受冊儀前一日
內官設節冊案于東宮內殿設香案于其南設女
樂于內殿陛上不作設儀仗如常儀設內贊引禮
女官各二人至日內官自左順門外迎節冊由正

門入。迎至內殿。節冊將至。女官請皇太子妃具服。宮人執扇從衛。引贊導妃降自東階。迎節冊。引贊贊就拜位。贊宣冊。贊跪宣冊。女官跪取冊。立宣于皇太子妃之東。贊授冊寶。稽圭。女官取冊授皇太子妃。受畢。以授女官。出圭。四拜。內官持節出。皇太子妃送至殿外。內官出報正副使。持節復命。是日皇太子妃具禮服。詣奉先殿及几筵。行謁告禮。如儀禮畢。詣宮內門外。外笑

皇帝服皮弁服。

皇后服燕居冠服。陞座。入就拜位。謝恩。八拜。禮畢。詣

各宮皇妃前四拜禮畢導還宮詣皇太子前四拜
禮畢座侍衛如常儀王妃公主郡主及宮人女
官于丹墀內四拜明日親王文武百官行慶賀禮
如正旦儀

論曰漢人始稱皇太子明帝始有臨軒冊拜之儀
唐則年長者服遠遊冠絳紗袍臨軒冊授年幼者
服綵童髻空頂幘遣使內冊宋惟用臨軒元惟用
內冊不以長幼國初微有同異洪永時俱殿上受
冊寶宣德而後則命使持節至文華殿授皇太子
其儀不同

皇明典禮志卷之七

江夏 郭正域 撰

冊親王儀

洪武三年夏四月禮部造諸王冊寶冊寶皆用金寶方五寸二分厚一寸五分篆文曰某王之寶寶匣寶座雕螭餘同

皇太子制前期擇日告太廟至日設寶冊案五于殿中寶冊亭十於丹陛上之東皇太子侍立位于御座之東諸王拜位于丹陛上及御座前北向是日早百執事各就位鼓三嚴

皇帝於謹身殿具袞冕文武百官入侍立位侍儀奏
外辦

皇帝出御奉天殿奏樂如常儀鳴鞭報時訖引進四
人導皇太子引禮四人導親王俱九章冕服由奉
天東門入樂作陞自東陞

皇太子由殿東門入內贊導至侍立位親王入至丹
陛拜位引禮左右立樂止知班贊班贊禮贊拜樂
作再拜樂止承制官承制出曰有制贊禮贊親王
皆跪宣制曰封皇子某爲某王某爲某王皇從孫
某爲某王畢諸王皆俯伏興承制官入奏傳制畢

贊禮贊詎王拜樂作再拜樂止贊禮贊行禮引禮
導秦王由殿東門入樂作內贊導秦王入樂止內
贊贊跪贊授冊寶捧冊官以冊授讀冊官讀訖以
授丞相丞相以授秦王內使跪受于王西捧寶官
以寶授讀寶官讀訖以寶授丞相以授秦王內使
跪受于王西贊出圭俯伏興復位引禮導秦王出
樂作內使以冊寶前導出至殿東門復位樂止冊
寶置于亭盂匣中引進導晉燕吳楚四王以次入
受冊寶如秦王儀樂作四拜樂止內使舉冊寶亭
前行引禮導王俱由東階降樂作迎出奉天門東

樂止時齊譚趙魯四王年幼遣官齋冊寶授之其儀內贊曰承制官前丞相前立于殿西丞相跪承制讀冊寶官舉四王冊寶置亭盞匣中舉以行捧冊寶內使四人由西階降從丞相由丹陛降過謹身殿東進至王宮門外冊寶駐門外內使監官出迎丞相東北立西南向曰有制宣制曰封皇子某爲某王某爲某王丞相出內使監官迎入官中丞相由王宮門出至奉天殿奏宣制訖俯伏興引禮官導靖江王至御前跪受冊寶出復位四拜由東陛降奉迎冊寶出奉天門並如秦晉等儀禮部尚

書請詔書用寶尚寶卿用寶赴午門開讀興頒行如常儀禮畢皇帝興樂作還宮引進入東門殿上導皇太子出樂止

年幼親王內宮受冊寶儀受冊日內使監官陳香案于內殿中設保抱抱王受冊位于南設授冊寶內使監官位于東捧受冊內使位于其南司贊二人位于保抱東西丞相迎冊寶至王宮門外內使監官跪聽制訖丞相出內使監官迎入宮中保抱抱王由東門入樂作至受冊位北面立樂止司贊贊行冊禮內使監官前立曰有制內贊贊保抱王

皆跪。內使監官宣制曰。今封皇子某爲某王。畢。內贊贊保抱。抱王興繼贊受冊寶。引賓導保抱一人抱王前立。授冊寶。監官以冊授保抱。保抱以授內使監官。又以寶授保抱。保抱以授于內使。禮畢。樂作。司賓引保抱。抱王退。樂止。執官各以冊寶奉置亭中。

親王朝謝

中官儀與東宮受冊謝同

謝東宮與王賀東宮同儀。俱便服。秦王致詞曰。小弟某等茲受冊封。謹詣皇太子長兄殿下恭謝。

親王自行賀禮。及百官賀諸王儀。受冊之日。儀衛司于西宮親王殿。以王年長幼陳座位。侍儀司設文武陪立。位于殿庭東西。拜位于庭中。內贊二人于殿內。拱衛司陳儀仗。樂工陳樂。引禮導諸王便服入殿。樂作。陞座。樂止。文武官立于東西。引禮導晉王以下。詣秦王前行禮。樂作。四拜。樂止。以次親王行禮。皆如賀秦王儀。禮畢。各就座。文武官入就位。樂作。四拜。樂止。導丞相至殿上。贊跪。文武官皆跪。丞相稱賀。文武官皆俯伏興。丞相出復位。樂作。四拜。樂止。親王興。樂作。出殿門。樂止。文武官以次

出次日皇太子冕服于奉天殿賀

皇帝。

皇帝服冕服。太子致詞曰。長子某茲遇諸弟某等。受
封建國。謹詣

父皇陛下稱賀賀

中官致詞曰。

母后殿下稱賀百官進表箋賀

皇帝賀

中官賀東宮。內外命婦賀

中官致詞曰。妾某氏等。茲遇親王受封建國。恭詣

皇后下冊賀。並與東宮受冊儀同。百官及諸令婦各爲宴擇日。諸王謁太廟。

嘉靖三十二年十二月。禮部以歲終當遣官冊封宗室。而畿甸災傷。驛遞艱阻。請移來年四月。應古立夏封諸侯之禮。詔可。著爲令。

冊王妃

與冊立太子妃儀同。

天順四年。凡節冊案一。張黃傘一。是日以二。

上曰。是出自何年。主之何人。錦衣衛儀制司對。于是尚書蕭胆。儀制司郎中俞欽等。各陳罪。詔下欽獄。

論曰漢冊親王子廟。後漢永平臨軒冊拜。有百官會位。王再拜三稽首。皇子得分茅土。立社稷。唐制冊親王。天子服袞冕。王出入奏樂。非親王。天子服通天冠絳紗袍。王出入不奏樂。宋有冊命之文辭。免不行。惟以絲輿迎官告還第。國初有冊拜之儀。有保抱之儀。成化末年。就各王府冊立之。罷臨軒之禮。嘉靖始定于孟夏。遂爲定制。

冊公主儀

洪武九年秋七月。命使冊公主。內使監陳設冊案于輦清宮御座之東南。冊用銀字鍍金。長一尺二寸。

闊五寸厚二分冊蓋渾金澀粉蟠鳳文曰某國公主之印設儀仗于丹陛之東西陳女樂于丹陛之南尚儀奏外辦

上皮弁服

中宮翟衣陞御座樂作陞座樂止引禮導捧冊使者女官就殿上拜位贊拜樂作四拜樂止傳制官曰有制贊捧冊使者跪傳制官傳制曰今冊長女爲臨安公主命尚宮正行禮舉冊官以冊立授使者使者以授執事者執事者跪受退立于殿東贊興捧冊使者興贊拜樂作四拜樂止執事者捧冊前

行使者隨詣華蓋殿。執事者于華蓋殿設香案。設冊案。公主服九疊四鳳冠。翟衣。立于殿西東向。冊使至。以冊置于案。冊使立于東南向。引禮導公主詣拜位。贊禮贊四拜。冊使曰。有制。贊跪。贊宣冊。宣冊官取冊立宣。以入于盥贊受冊。宣冊官以授公主。公主受冊。興以置于案。執事者收冊。冊使興。引禮導公主詣

上前謝恩。贊四拜。又詣

中官前。贊八拜。次見皇妃。東宮及妃各王及妃如常儀。公主受冊後。次日謁奉先殿。凡皇姑曰大長公

主皇姊妹曰長公主皇女曰公主公主受金冊婚皆稱駙馬都尉受誥命

親王女曰郡主郡王女曰縣主孫女曰郡君曾孫女曰縣君玄孫女曰鄉君

公主以下授冊郡主以下受誥命夫稱宗人府儀賓

論曰周制王姬下嫁天子不自主婚使同姓諸侯主之謂之公主漢有長公主之稱唐有大長公主之稱皆有封國宋初止以綸告進封嘉祐而後始備冊禮用臨軒遣使傳入宮中朝謝帝后如宮中

之儀國朝多沿宋制

皇明典禮志卷之八

江夏 郭正域 撰

皇帝加元服

洪武三年定。先期太史院奉制筮日。工部制冕服。翰林院撰祝文。禮部備儀注。中書省承制命某官攝太師。某官攝太尉。既筮日。遣官奏告天地宗廟。行一獻禮。前一日。內使監令陳御冠席於奉天殿正中。其南設冕服案。又香案。又寶案。侍儀司設太師太尉起居位於文樓南。西向。設文官起居位於後設武官起居位於武樓南。設太師太尉拜位於丹

墀內道稍西。北向東上。設太師太尉侍立於殿上。御席西東向。設盥洗位於丹陛西陛下。東向。內贊二人位於殿上南楹。左右東西向。通贊典禮二人位於知班北。東西向。通贊西。贊禮東引。太師太尉二人位於太師北。西立。東向。是日質明。金吾衛陳甲士。陳五輅典牧所。陳仗馬。陳虎豹。協律郎陳樂鼓初嚴。班於午門外。侍衛官各服其器服。及尚寶卿侍從官入。詣謹身殿祇迎。鼓三嚴。文武官入。侍儀版外辦。御用監令請。

皇帝服空項幘。雙童髻。雙玉導。絳紗袍。御輿以出。侍

御導從警蹕如儀

皇帝將出仗。動樂作。太常博士導至奉天殿。卽御位。
樂止。捲簾。鳴鞭。雞唱報時訖。拱衛司由殿西門出。
降西階。引班導入起居位。通班贊供事。太師太尉
先入就拜位。百官俱入。知班贊班。典儀贊拜。贊禮
贊四拜興。樂止。引禮導太師先詣盥洗位。西向立。
搯笏。盥手。悅手出笏。由西陞陞。引禮退太尉至殿
西門內。贊導入立於太師南。侍儀請加元服。太尉
詣。

皇帝前少右。跪搯笏脫空項幘。以授內使。興置於櫛。

廂櫛畢。設纚。出笏。興退於西。太師前北向立。內使監令就案取冕。立於左。太師祝曰。令月吉日。始加元服。壽考維祺。以介景福。內使監令捧冕跪授太師。太師搢笏跪受。冕加冠加簪纓。出笏興退於西。內監令徹櫛纚箱。御用監令請

皇帝着衮服。

皇帝興着衮服。侍儀請就御座。內贊贊進醴樂作。太師進御前北面立。光祿卿奉酒進授太師。太師搢笏受酒。北面祝曰。甘醴維厚。嘉薦令芳。承天之休。壽考不忘祝訖。跪受。內使跪受酒。捧進。

皇帝

皇帝受酒祭少許啐酒訖以虛盞授內使樂止內使受盞降授太師太師受盞與以授光祿卿光祿卿受盞退太師出笏退復位內贊導太師太尉出殿西門樂作降自西階引禮導就丹墀拜位樂止贊四拜興樂止指笏三舞蹈贊山呼百官拱手加額呼萬歲者三典儀贊出笏俯伏興樂作四拜興樂止禮畢。

皇帝興樂作警蹕侍從導入宮樂止太師太尉及文武百官以次出改服通天冠絳紗袍入宮拜謁

太后如正旦儀擇日謁

太廟儀與時祭同明日百官公服稱賀畢賜宴謹身殿朝會儀。

皇太子加元服

洪武元年十一月定前期太史監承制筮日工部製衮冕遠遊冠折上巾服翰林院撰祝文祝辭中書省承制命三公一人爲賓掌冠太常卿爲贊冠旣筮日遣官奏告天地宗廟前一日內使監令陳御座香案于奉天殿侍儀司設皇太子次于殿東房賓贊次于午門外皇太子拜位于丹陛上正中賓

贊受制位于西北東向承制官位于御座東西向
宣制位于皇太子位之東北西向賓贊拜位於內
道之東北面東上質明執事官設壘洗於東階東
南壘在洗東篚在洗西內使監官設皇太子冠席
於殿上東南西向醴席於西階上南向張帷幄於
東序內使設褥席於帷中又張帷于序外御用監
陳服於帷內東領北上衮服九章遠遊冠絳紗袍
折上巾緇纚犀簪在服南櫛又在南司尊實醴於
側尊加勺罍設醴於席南設玷於尊東置二爵於
玷進饌者實饌設于尊北諸執事者各就其所冕

九旒遠遊冠十八梁折上巾各一笥。執事者各執其物。立于階西東向北上。鼓初嚴。文武官具朝服。次嚴東官。官導從皇太子至殿門。贊禮同太常博士導詣奉天殿東房侍衛官入詣謹身殿奉迎。三嚴。文武官入。

皇帝服通天冠絳紗袍。御輿以出。樂作。陞座。樂止。捲簾。鳴鞭報時訖。賓贊就位。樂作。四拜。樂止。侍儀司跪承制。降自東階。詣賓前稍東。稱有勅。賓贊跪。侍儀宣制曰。皇太子冠。命卿等行禮。賓贊皆四拜。文武侍從班俱就殿內位。賓贊執事官詣東階下位。

東宮官太常博士詣殿前。賓降。皇太子入就冠
席。樂作。皇太子卽席。樂止。賓揖。樂作。搢笏。
盥悅。出笏。樂止。升自西階。執事者奉折上巾。賓降。
一等受之。右執項。左執前。北面祝畢。跪冠。樂作。興。
席南北面立。贊冠者進前。跪正冠。興立于賓後。內
侍跪進服。樂止。賓揖。皇太子復座。賓贊降詣壘洗。
如前儀。贊冠者進跪脫折上巾。以授內侍。執事者
奉遠遊冠進。賓降。二等受之。樂作。進冠如前儀。贊
冠者進跪簪結紘。內侍進服。樂止。賓揖。皇太子復
座。詣壘洗。脫冠如前儀。執事者奉衮冕進。賓降。三

等受之進冠如前儀太常博士導皇太子降自東階樂作由西階陞卽醴席南向座樂止賓詣壘洗樂作盥悅升西階樂止贊冠者取爵詣司尊所酌醴授賓跪進于皇太子席前祝畢皇太子搢圭跪受爵樂作飲訖奠爵執圭進饌者張異於前皇太子搢圭食訖執圭與執事官徹饌太常博士太子降自西階詣殿東房易朝服詣丹墀拜位樂作東宮官各就拜樂止賓贊詣皇太子位稍東西向賓少進字之辭曰奉勅字某皇太子再拜跪聽宜勅畢復再拜興進御前跪奏曰臣不敏敢不祇

奉奏畢復位。侍立。官降殿復位。皆四拜禮畢。

皇帝興樂作還宮。樂止。內給事導皇太子入內殿。見皇后如朝正。且儀百官以次出。明日謁廟如時享禮。陪祭官先赴廟庭。皇太子服衮冕執圭。太常博士前導由南門入至拜位。皇太子及陪祭官皆再拜。興皇太子升殿詣神位前。三上香。復位。及陪祭官皆再拜畢。皇太子還宮。明日百官具朝服詣奉天殿稱賀。退易公服。詣東宮稱賀。錫宴。

成化十四年三月續定。以英國公張懋持節掌冠。吏部尚書韓冠。戶部尚書萬安宣勅戒於文華殿。

行禮。先日錦衣衛設幕次于文華殿東序。鴻臚寺設節案于內殿北正中。設香案于節案南。設冠席于殿內東南向。設醴席于西南向。內侍張帷幄于東序內。設几案褥褥于幄中。又張帷于序外。陳袍服皮弁服袞服圭帶烏翼善冠皮弁九旒冕。置于東階南案上。光祿寺設盥洗所於東階南稍東。設司尊所于醴席西南。司尊者實醴於側尊。加勺幕設奠於尊東。置二爵於珥進饌者實饌。設於尊北。諸執事者皆立於其所。教坊司設樂。質明。

上具皮弁服御奉天殿。傳制遣官皇太子先於東序。

帷幄中候節節至皇太子迎節于殿門外持節官
捧節入置于案退禮部導皇太子詣香案前樂作
四拜樂止行初加冠禮內侍奉翼善冠賓祝四吉
月令辰乃加元服懋敬是承永介景福樂作賓跪
進冠樂止禮部官啓易服皇太子入帷幄易袍服
出禮部官啓復坐行再加冠禮樂作內侍奉皮弁
賓祝曰冠禮申舉以成令德敬慎威儀惟民之式
樂作賓跪進皮弁興復位禮部官啓易服皇太子
入帷幄易皮弁服爲出禮部官啓復坐行三加冠
禮樂作內侍奉冕旒陞賓祝曰章服咸加飭敬有

虔。永固皇圖于千萬年。樂作。賓跪進冕興。贊者簪結紘立賓後。樂止。禮部官啓易服。皇太子入帷幄。易袞服出。禮部官啓復座。行醺。禮皇太子易醴席。樂作。皇太子降自東階。由西階升。卽醴席南向座。樂止。光祿寺官舉案。樂作。序班導賓贊詣盥洗所。搢笏盥手。出笏。陞西階。贊者取爵詣司尊所。酌醴授賓。賓執爵詣席前立。樂止。祝曰。旨酒孔馨。加薦載芳。受天之福。萬世其昌。賓跪進爵。皇太子受爵。教坊奏曲。奠于案。樂止。光祿寺官進饌。樂作。饌訖。出圭。徹案。賓贊復位。鳴贊贊受勅戒。皇太子降自

西階由東階詣拜位。樂作序班導宣勅戒官詣皇太子稍東西向立。樂止曰有制。鳴鳶。警蹕。皇太子跪宣敕戒曰。孝事君親友于兄弟。親賢愛民。居仁由義。毋怠毋驕。茂隆萬世。樂作四拜興。樂止。禮畢。持節官捧節出。樂作。皇太子送節至殿門外。還京序。內侍導還官。樂止。謁祭奉先殿。用樂行禮。詣

皇太后前謝詣

上前謝詣

皇后前謝俱行五拜禮。俱用樂持節。及賓贊宣敕戒等官復命。

嘉靖二十八年皇太子冠以

孝烈皇后几筵未徹先是遣內命婦告几筵既冠謁祭几筵如奉天殿不用樂謁見所生皇妃四拜亦不用樂冠之日所遣告廟官及內閣詹事府坊局官俱入侍班錦衣衛掌印官入侍衛餘同前儀時命駙馬都尉京山侯崔元持節掌冠大學士嚴嵩贊冠禮部尚書宣勅戒

皇太孫冠禮

永樂九年十一月丁卯

上御奉天殿命皇太子嫡長子爲皇太孫冠於華蓋

殿設幕次于華蓋殿東序。衮服九章翼善冠絳紉袍緇纒犀簪在服南。質明。

上御奉天殿。傳制遣官制詞曰。朕皇太孫某冠。命卿等持節行禮。傳制畢。掌冠官持節至華蓋殿行禮。候節至。禮部鴻臚寺等官詣東序。啓請皇太孫出迎殿外。置殿中。設香案。樂作。贊四拜。興。禮部官詣詣冠席。卽席南向。初加緇纒。再加翼善冠。三加衮冕。儀節俱如皇太子。玉圭如親王。其三加祝辭。暨戒辭俱如皇太子。時命定國公徐景昌持節掌冠。戶部尚書夏原吉贊之。禮部尚書呂震宣勅戒。是

日皇太孫謁廟畢詣

上前及東宮謝次日文武百官朝服稱賀次詣文華殿稱賀次詣皇太孫行賀禮

親王冠禮

洪武十七年九月定親王冠禮選禮部太常寺官有德望者爲賓贊行事前期儀衛司先設王邸在東序張帷幄設褥褥于序中又張帷幄于序外儀禮司設掌贊宣勅戒等官序立位于王邸東稍西向具九旒冕翼善冠紗袍皆在笥候持節者至王出迎于門下贊禮導王行節入王邸置中庭樂作王

詣前四拜就冠席西南向樂止引禮導賓贊以次詣壘洗樂作搢笏盥手樂止通贊典儀二人露臺東西向冠席在東序南西向醴席在西南向諸執事陞自東階掌冠者以網巾進賓降一等受之進王前稍北面祝曰茲惟吉日冠以成人克敦孝友福祿來臻供奉官東髮掌冠者進網巾樂作贊冠者正之內侍進服樂止王復坐執翼善冠陞賓降二等受之進如前儀祝曰冠禮斯舉寔由成德敬慎威儀維民之則進冠興樂作王復坐贊冠者脫翼善冠執袞冕者陞賓降三等受之進如前儀祝

曰冠至三加命服用章敬神事上永固藩邦進服
興樂作贊冠簪結紘王興內侍進袞服樂止王降
自東階樂作由西階陞醴席南向坐樂止掌冠詣
壘洗樂作搢笏盥手陞西階樂止贊冠者取爵詣
司尊所酌醴授賓賓進席前北向祝曰旨酒嘉薦
載芬載芳受茲景福百世其昌王搢圭受爵樂作
飲訖奠爵進饌饌訖出主降自西階詣拜位樂作
宣勅戒官至中庭西向立曰有制王跪樂止宣勅
戒曰孝于君親友于兄弟親賢愛民率由禮義毋
溢毋驕永保富貴樂作俯伏興四拜興樂止禮畢

導王還樂止。掌冠等官復命。王是日謁廟畢。詣
皇帝及東宮前謝。次日百官稱賀畢。詣王府行禮。
景泰四年。沂王滌王冠。詔免告廟。以太學士陳循。兵
部尚書于謙。持節掌冠。吏部尚書何文淵。兵部尚
書儀銘。贊冠。左春坊大學士商輅宣勅戒。

成化二十三年。五皇子冠。至日早。

上告奉天殿。皮弁服。御奉天殿。傳制遣官持節行禮。
冠所在奉天門前。東廡左順門之北。持節官以英
國公張懋。保國公朱永。襄城侯李瑾。慶雲伯周壽。
新寧伯譚祐。其宣勅宣戒官。以內閣臣萬安。劉吉。

尹直持節官卽命以掌冠。所謂賓也。禮畢謁見聖慈仁壽皇太后。

皇上

皇后次謁皇妃東宮及妃。四拜用樂。次日

上常服陞金臺。百官常服稱賀。皇子各詣奉天門東廡序座。百官常服四拜。

嘉靖二十八年。裕王景王冠禮。萬曆五年。潞王冠禮。儀俱同。但賓自致祝。不用宣祝官。

品官冠禮

擇日。王者謁家廟。再拜。告曰。某子漸長。將加冠。乃

筮賓北面再拜。告曰。卜以某日吉。冠某。速某賓加冠。前二日戒賓。及簪冠者。王者至賓門外。掌次者引之次。儼者入告。賓辭不敏。再以請。賓許諾。王者再拜。賓答拜。王者還。賓拜送。戒贊冠者亦如之。明日設次于門外之右南向。至日夙興。設洗於阼階東南。東西當東雷。六品以下當東榮。南北以堂深。盥水在洗東。加勺。羃篚在洗西南。肆實巾一於篚。加羃席于東房內西牖下。無房者張帷陳服於席東。領北上。筮筵四加藻席四在南側。尊經醴在服北。加勺。羃設玷在尊北。饌陳於玷北。設洗於東房。

近北。壘在洗西。篚在洗東北肆。實以巾。質明賓贊至大門外。掌次者引之次。賓贊公服其冠各一笥。人執之。待于西階之西。東面北上。設主席於阼階上。西面賓席於西階東面。冠者席於王者東北西面。王者公服立於阼階下。當東序西面。諸親公服立於壘洗東南。西面北上。儼者公服立於門內道東北面。將冠者雙童髻。空頂幘。采袴褶。錦紳。烏皮履。立于房內南面。王者贊冠者。公服立於房內戶東西面。賓及贊冠出次。立於門西。俱東面北上。儼者進受命出立門東西面。曰敢請事。賓曰某子有

嘉禮命某執事。賓者入告主。主迎賓於大門外之東。西面再拜。賓答拜。主者揖贊冠者。贊冠者報揖。又揖賓。賓報揖。主者入。賓贊次入。及內門至階。主者東。賓贊西。主者請陞。賓三辭。主者陞自阼階立。席東。賓自西階立。席西。贊冠者及庭盥訖。升自西階。入于東房。立於主者贊冠者之南。西面。主者贊冠者導將冠者。立于房外之西南面。賓之贊冠者取纚。擲簪跪奠於筵南端。席北少東西面立。賓揖將冠者。賓主俱座。將冠者進升席西南坐。賓之贊冠者進筵前東面。跪脫雙童髻。櫛畢。設纚興復位。

立賓主俱興。賓降至壘洗盥訖。詣西階。主者立于席後西面。賓立于西階上東面。執緇布冠者升授賓。賓降一等受之。右執項。左執前。進前東向立。祝曰。令月吉日。始加元服。棄爾幼志。慎爾成德。壽考維祺。介爾景福。祝訖。跪冠。興復西階上東面立。賓之贊冠者進。筵前跪。結纓。興復位。冠者興。賓揖冠者適房。賓主俱座。冠者青衣素裳出房戶西南面立。賓主俱興。賓揖冠者。冠者進升階。席西向坐。賓之贊冠者跪脫緇布冠。櫛畢。設纓。興復位。執進賢冠者陞。賓降二等受之。進冠如初。祝曰。吉月令辰。

乃申爾服。恭爾威儀。淑慎爾德。眉壽永年。享受遐福。乃跪冠興復位。賓之贊冠者跪設簪結纓興復位。冠者適房。易絳紗服出房升席如初。賓之贊冠者跪脫進賢冠。櫛畢設纚執爵弁者升。賓降三等受之。進賢如初。祝曰。以歲之正。以月之令。咸加爾服。兄弟具在。以成厥德。黃耇無疆。受天之慶。乃跪冠興復位。賓之贊冠者跪設簪結纓興復位。冠者與賓揖冠者適房。王者贊冠者徹纚櫛及筵又設筵於室戶西南向。冠者着爵弁之服出房戶西南面立。賓主俱興。王者贊冠者盥手洗解於房酌醴。

出房南面立。賓揖冠者。冠者就筵西南面立。賓受醴進冠者筵前北面立。祝曰。甘醴惟厚。嘉薦令芳。拜受祭之。以定爾祥。承天之休。壽考不忘。冠者筵西拜受。解。賓復西階上。東西答拜。執饌者奉饌薦於筵前。冠者左執觶。右執脯。祭於籩豆間。贊冠者取肺一以授冠者。奠觶於薦西。以祭冠者。坐取觶祭醴。奠觶。再拜執觶興。賓答拜。賓主俱坐。冠者升筵跪。奠觶於薦東。興進北面跪取脯。降自西階入見母。進奠脯於席前。退再拜以出。母不在則使人受脯於西階下。初冠者入見母。賓主俱興。賓降當

西序東面立。王者降當東序西面立。冠者出立於西階東南面。賓少進。字之曰禮。儀旣備。令月吉日。昭告爾字。愛字孔嘉。髦士攸宜。宜之于嘏。永受福之。曰伯某甫。冠者再拜跪曰。某不敏。夙夜祇奉。賓出。王者送於內門外。王者西向。請禮從者。賓辭。王者固請。賓就次。王者入設醴饌。初賓出。冠者東面。見諸親。諸親拜之。冠者答拜。冠者西面。拜贊冠者。贊冠者答拜。見諸尊于別室。賓主旣釋服。改席訖。賓與衆賓出次。立于門西東面。王者出門東西面。王者揖賓。賓報揖。王者先入。賓及衆賓從之。至階。

賓立于西階上。主者立于東階上。衆賓立于西階下。東面。主者授幣篚于賓贊。受之。俱復位。主者還阼階上。北面拜送。賓贊降自西階。主者送賓于大門之外。西面再拜。賓出。主者入。孤子則諸父諸兄戒賓冠之日。主者紛而迎賓。冠于阼階下。其儀亦如之。明日廟見。贊明贊禮者引冠者朝服入廟南門中庭道西北面再拜出。

庶人冠禮

凡男子十五並二十皆可冠。將冠筮日。筮賓于祠堂。戒賓俱如品官儀。是日夙興張帷爲房于廳事。

之東賓主執事者皆盛服設盥于阼階下東南陳
眼于房中西牖下東向北上席二在南酒在服北
次幘頭帽巾盛以盤三人捧之立于堂下西階之
西南向東上主人立于阼階下諸親立于盥東賓
者立于門外以俟賓將冠者雙紛勒帛素履待于
房賓至主人出迎揖而入坐將冠者出自房執事
者請行事賓之贊者取櫛總篋幘頭置于席南端
賓揖將冠者將冠者卽席西向坐贊者爲之櫛合
紛施總加幘頭賓降主亦降立于阼階下賓盥主
人揖讓升自西階復位執巾者升一等授賓賓執

巾詣席前東向。祝跪爲着巾。興復位。冠者興。賓揖之入房。易服深衣大帶出房。卽冠席。賓盥如初。降三等受帽進祝。乃跪冠。興復位。冠者興。賓揖之入房。易服襴衫腰帶出房。卽冠席。賓盥如初。降三等受幘頭進祝復位。冠者興。賓揖之入房。改服公服執事者徹冠。席入帷中。設醴席于西階南向。贊者酌醴出房。立於冠者之南。賓揖冠者。卽醴席西向立。賓受醴詣席前北面祝。凡祝辭皆如品官。冠者席西拜受。賓答拜。執事者薦饌。冠者卽席坐飲食訖。再拜。賓答拜。冠者離席立于西階之東南向。賓

字之。如品官詞冠者拜賓。答拜冠者拜父母。父母爲之起拜。諸父之尊者遂出見鄉先生。及父之執友。先生執友皆答拜。賓退。主人請禮賓。賓辭固請。許諾。乃入設酒饌。延賓及僎贊者。賓退。主人酬賓。賓侑以幣。主人以冠者見于祠堂。再拜出。

論曰。禮曰。天下無生而貴者也。天子之元子猶士也。大夫無冠禮。公侯冠禮。始于夏之末。造儀禮。惟士冠禮。漢以後。天子諸侯之禮。大抵因士禮而損益之。漢皇帝冠於廟。魏于正殿。唐冠于太極殿。有太子儀。有皇子儀。有士庶通行儀。宋儀惟載太子。

加元服而上不及至尊。下不及士民何居也。漢天子猶四加。緇布進賢。而下與諸侯大夫共之也。猶司徒爲賓也。一加白。魏始也。曰至尊禮無踰也。唐而下未之能易。皇子之莫爲主也。曰主天子也。自宋始也。唐冠太子于朝堂。冠皇子于廳事。宋太子西向。而皇子南向。則猶明嫡子著代之誼也。

高皇爲萬世子孫法。創定其禮。太尉設纓。太師受冕。太子皇孫同祝詞。而王禮則相去遠矣。辨名定分。不可易也。有賓有贊有祝詞。有醮詞。有勅戒詞。定于成化時。而下逮官民。則國初之故。唐人品官三

加得用五冕袞服。自品而降。非大夫五十而爵之。
義也。今縉紳先生冠其子弟。不備禮。不卜賓。況齊
民乎。載在令甲。鮮有能行之者。蓋禮之廢久矣。

皇明典禮志卷之八終